



Arkivnr: 2015/898-8
Saksbehandlar: Marianne Ose Askvik

Saksframlegg

Saksgang

Utval	Saknr.	Møtedato
Kultur- og ressursutvalet		16.04.2015

Førebels justering av retningsliner til driftsstønad til fylkesfemnande barne- og ungdomsorganisasjonar 2015

Samandrag

I sak 13/2015 vedtok Kultur- og ressursutvalet retningslinene for fordeling av driftstilskot – drift av fylkesfemnande barne- og ungdomsorganisasjonar. Blant retningslinene var det lagt inn tre nye punkt, i tillegg til at søknadsfrist vart endra frå 1.mars til 1.april. Det har vist seg at den eine retningslina vil få utilsikta konsekvensar for minst ein organisasjon. Retningslina det gjeld er punkt 2, delpunkt 3: «*Medlem under fylte 26 år må utgjere hovuddel på medlemstal i organisasjonen*». Etter ei vurdering vil fylkesrådmannen tilrå at denne retningslina vert utsett til å gjelde fyrst frå 2016, slik at dei organisasjonane det gjeld vil få tid til å gjere naudsynte organisatoriske endringar. Fylkesrådmannen vil kome attende med ein sak om korleis organisasjonar kan tilpasse seg den nye retningslina.

Forslag til vedtak

Punkt 2, delpunkt 3 «*Medlem under fylte 26 år må utgjere hovuddel på medlemstal i organisasjonen*» vert gjeldande frå 2016.

Rune Haugsdal
fylkesrådmann

Anna Elisa Tryti
fylkesdirektør kultur og idrett

Saksframlegget er godkjent elektronisk og har derfor inga underskrift.

Fylkesrådmannen, 23.03.2015

Kultur- og ressursutvalet har tidlegare i år fått ei orientering om retningslinjer for tildeling av denne ordninga og vedteke i sak 13/2015, retningslinjene for denne tildelinga slik:

Ansvar for saksførebuinga ligg til Kultur- og idrettsavdelinga. Hordaland barne- og ungdomsråd (HBUR) bidrar til opplysning av saka i førebuingssfasen, jfr. forvaltningslova §17. HBUR har lang erfaring og høg kompetanse på feltet.

I sak 12/11 frå møtet 22.02.2011 vart HBUR si rolle framstilt som følgjer:

- 1. Søknadar til ordninga vert sendt til fylkeskommunen v/Kultur- og idrettsavdelinga innan 1.mars 2011.*
- 2. Kopi av søknadane vert oversendt til HBUR som - innan eigen organisasjon og egne vedtekter - utgreier og handsamar sakane i samsvar med retningslinjene frå fylkeskommunen.*
- Etter at styre har ferdighandsama sakane vert ei skriftleg innstilling med grunngjeve forslag til fordeling oversendt fylkeskommunen ved Kultur- og idrettsavdelinga.*
- 3. Fylkesrådmannen legg frem saka for Kultur- og ressursutvalet som fattar endeleg vedtak i saka.*
- 4. Kultur- og idrettsavdelinga gjennomfører utbetaling av tilskota.*
- 5. Kultur- og idrettsavdelinga gjennomfører kontroll med ordninga i samarbeid med HBUR.*

Denne saksgangen vert gjeldande for 2015.

For 2015 er det 1 559 000 kroner til rådvelde for denne driftstønadordninga. For åra 2011-2014 har administrasjonstilskotet på 10% av tildelinga vore overført som del av driftstilskotet til HBUR, og

Fylkesrådmannen tilrår dette også for 2015.

Fylkesrådmannen rår til at retningslinjene får tillagt eit tredje delpunkt under punkt 2, to ekstra punkt (punkt 5 og 6), og at søknadsfrist vert 1.april (punkt 7):

1. Den totale summen for stønad til frivillige organisasjonar for barn og unge vert delt i tre "pottar" etter følgjande nøkkel:

- 1. **Grunntilskot**, likt for alle organisasjonar: 20%*
- 2. **Hovudstønad**, stønad per medlem under 26 år: 30%*
- 3. **Fri pott** til skjønsmessig fordeling: 50%*

2. Ein organisasjon må for å vera kvalifisert for stønad, stetta følgjande krav:

- 1. Ha aktive lokallag i minst 3 kommunar i Hordaland fylke.*
- 2. Ha minst 50 medlemmer totalt i Hordaland fylke, med rett til stønad.*
- 3. Medlem under fylte 26 år må utgjere hovuddel på medlemstal i organisasjonen.*

3. Følgjande medlemsdefinisjon gjeld: Som medlem reknast dei som har betalt kontingent i løpet av føregåande kalenderår og var under fylte 26 år ved siste årsskifte.

4. Det vert ikkje gjeve stønad til organisasjonar som har kommersielle aktivitetar som sin hovudaktivitet.

5. Det vert ikkje gjeve stønad til organisasjonar som har diskriminerande innhald i sine vedtekter og aktivitetar.

6. Det vert ikkje gjeve stønad til organisasjonar med idrett som hovudaktivitet.

7. Søknadsfrist er 1. april kvart år, og søkjar må nytte elektronisk søknadsskjema.

8. Hordaland fylkeskommune skal ha høve til å kunna ta stikkprøvekontrollar av oppgjevne medlemstal.

9. Ved grove feil i søknaden har Hordaland fylkeskommune mynde til å trekkje all støtte til organisasjonen. Stønad blir også trekt dersom ein organisasjon ikkje møter til avtalt tidspunkt for kontroll.

10. Ein organisasjon kan ikkje motta til ei kvar tid meir enn 10% av den totale fordelingssummen.

11. Organisasjonar som mottek driftsstøtte frå denne ordninga skal ikkje motta anna driftsstøtte frå fylkeskommunen, med mindre det gjeld konkrete samarbeidsprosjekt.

Med søknadsfrist 1.mars tidlegare år har det vore vanleg at mange søkjarar har måtte ettersende årsrekneskapet. For å unngå slike ettersendingar, vert søknadsfrist endra til 1.april.

Lokallag eller distriktsorganisasjonar som er tilslutta fylkeslag kjem ikkje inn under ordninga. Det er utarbeidd eiga rettleiing til organisasjonane. Hovudprinsippet er at staten skal stø organisasjonar og tiltak på nasjonalt plan, fylkeskommunane på fylkes- eller regionalt nivå, medan kommunane har ansvaret for lokallag og lokale tiltak.

Den totale summen for driftstilskot til frivillige organisasjonar for barn og unge vert delt i følgjande tre "pottar" :

1. Grunntilskot, likt for alle organisasjonar: 20%
2. Hovudstønad, stønad pr. medlem under 26 år: 30%
3. Fri Pott til skjønsmessig fordeling: 50%

For punkt 3. «Fri pott» tilrår Fylkesrådmannen at følgjande kriterier vert vektlagt i vurderinga:

- Tal på lokallag
- Aktivitet i organisasjonen
- Organisasjonens opne verksemd overfor ikkje-medlemer
- Nytenking
- Kostnader med arrangement.
- Eigeninnsats frå styret i organisasjonen og medlemmene (inkl. foreldre/føresette)
- God økonomisk kontroll og gjennomføringsevne.

Hordaland fylkeskommune ser positivt på samarbeid organisasjonar i mellom. Når det gjeld særskilde prosjekt der ulike organisasjonar samarbeider, er det i tillegg mogleg å søkje tilskot gjennom ordninga Kulturtiltak for barn og unge(aktivitetstilskot)om ein elles fell inn under retningsliner og oppfyller kriteria for ordninga.

Hordaland fylkeskommune var gjort kjent med at retningslina «Medlem under fylte 26 år må utgjere hovuddel på medlemstal i organisasjonen» vil få utilsikta konsekvensar for minst ein organisasjon. Konsekvensen går ut på at det m.a. vil medføre markant reduksjon i tilskot til organisasjonen som driv eit svært viktig og stort barne- og ungdomsarbeid, men som ikkje er definert som ein barne- og ungdomsorganisasjon. Dette gjeld i tillegg nokre fleire organisasjonar som har teke imot driftsstønad frå denne ordninga tidlegare år. Ein ser at det var seint for organisasjonane å gjere organisatoriske eller budsjettmessige store endringar då retningslina det gjeld vart vedteke i inneverande budsjettår. Fylkesrådmannen tilrår at denne retningslina vert utsett til å gjelde fyrst frå 2016, slik at dei organisasjonane det gjeld vil få betre tid til å gjere naudsynte endringar. Fylkesrådmannen vil kome attende med ein sak om korleis organisasjonar kan tilpasse seg den nye retningslina.